

**Protocol da la sezzüda dal Cussagl cumünal da lündeschdi,
21 settember 2009, a las 20.00, acta 32**

Preschaints: Jon Carl Rauch; Chasper Alexander Felix e
Jachen Andri Schmidt
Rico Zini (protocol)

Schüsà: Marianne Werro-Lehmann e Georg Salomon

Tractandas:

271. Protocol

Il Cussagl cumünal approva il protocol da la sezzüda dals 14 settember 2009, acta 31.

Protocol

272. Orientaziuns

1. Sezzüda dals capos

Il capos da Scuol, Ftan, Tarasp e Sent han in lur sezzüda discus tanter oter sur dals seguaints temas:

Cità d'energia e commebranza illa Alleanza da las Alps

Il cumüns vaschins pondereschan scha quai füss eir per els ün tema. Per survgnir il label "Cità d'eneriga" es Scuol fingià landervia.

Promozion da l'integraziun

Tenor il Chantun survegnan il cumüns l'incumbenza i'l sector da la promozion da l'integraziun da nominar ün post da contact per dumondas d'integraziun. Il cuosts per quist post, chi pudess gnir s-chaffi eir regional, vegnan spartits sü tanter la Confederaziun, Chantun e'ls cumüns. Tenor il capos nu's cunfà quist agir gnanca zich culs böts avisats da la NFA.

Fusiuns

I's ha l'impreschiun cha davu introdüt la NFA nu saja plü uschè lucrativ da fusiunar. Las contribuziuns nu sun forsa plü uschè sgüras. Il capos sun da l'avis da na as laschar metter suot squitsch e da laschar madürar la chosa in quel tempo sco fin qua.

Orientaziuns

273. Permiss da fabrica – Jachen Zanetti – Lö per laschar oura il muvel – Saglina

Sün dumonda da sar Jachen decida il Cussagl cumünal da dar il permiss per far la lavur seguaintamaing:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 200.---
3. Il permiss BAB es part integrala da quist decret.
4. Il quint dal Chantun per la procedura da BAB, ill'otezza da fr. 494.-- vain tramiss al patrun da fabrica per evader svesa directamaing.

Permiss da fabrica,
Jachen Zanetti
lö pel muvel, Saglina

274. Permiss da fabrica – Jachen Dorta– Müdamaints interns, tet nouv e fanestras - Sot Pradè

Causa chi manca amo documainta necessaria, decida il Cussagl cumünal da na pudair dar amo il permiss correspondent per la part interna. Il Cussagl cumünal decida percunter da dar il permiss per renovar il tet. Las taxas da fabrica e da trattamaint vegnan decretadas cul permiss da fabrica per la part interna.

Dumonda da fabrica,
Jachen Dorta,
müdamaints interns
Sot Pradè

275. Surdatta da lavur – Sanaziun via da Laver (mür Chavriz Pitschen)

Tenor la racumandaziun dal Uffizi forestal meridiunal, decida il Cussagl cumünal da surdar la lavur a la firma:

- Koch SA, Ramosch, pel predscha da fr. 55'175.-- (incl. IPV).

Il credit cumplessiv d'eira gnü fat bun illa radunanza cumünala dals 28 favrer 2008.

Surdatta da lavur,
sanaziun via da Laver

276. Credit brüt da fr. 75'000.-- (net fr. 21'000.--) – Sanaziun via da god Uina (Val Glatschera)

Sanaziun via da god
Uina

Il Cussagl cumünal piglia incunter las spiegaziuns dal schef da god. Id es previss da realisar avant la Val Glatschera üna storta e da fabricar ün passagi per passar la val.

Il proget, fat bun tras l'Uffizi da god, vain subvenziunà cun 72 %.

Il Cussagl cumünal decida da propuoner a la radunanza il proget surmanzunà.

277. Surdatta da lavur – Sanaziun via da god Uina (Val Glatschera)

Surdatta da lavur,
sanaziun via da god
Uina

Il Cussagl cumünal decida da surdar la lavur a la firma:

- Fabio Bau GmbH, Sent pel predscha da fr. 74'752.10. (incl. IPV).

La surdatta aintra in vigur culla approvaziun da la radunanza cumünala.

278. Diversas schefs

Diversas schefs

1. Preventiv cumünal

Culla müdada da la constituziun cumünala s'haja da müdar eventualmaing eir la pratcha dal preventiv. L'andamaint vain scleri cun oters cumüns (Scuol e Ftan).

279. Varia

Varia

1. Plazza da sport

Il cumün es gnü intimà da francar ils goals mezdans per chi nu capitta chi cupichan cun sbaluonzchar. Il goal vers nord vain francà cun üna chadaina vi da la saiv, quel vers süd vain armà cun duos pais.

Implü ais ruot cun giovar a ballapè üna fanestra da la firma Schweizer. Il Cussagl cumünal decida da surtour il surplü dals cuosts dal vaider (fanestra da filfier) per chi nu capitta plü tals dons. La lavur vain surtutta dal chaschunader.